



PESERTA Program 'Peji Ha Uma Bawang!' dan komuniti Uma Bawang bergambar bersama di Uma Bawang, Sungai Asap, Belaga, baru-baru ini. • Foto UPMKB

BELAGA: Program 'Peji Ha Uma Bawang!' anjuran mahasiswa-mahasiswi Universiti Putra Malaysia Kampus Bintulu (UPMKB) menghimpunkan lebih 100 peserta, termasuk komuniti Uma Bawang di Sungai Asap di sini, baru-baru ini.

Menurut kenyataan daripada UPMKB, program itu bertujuan untuk memperkasa hubungan

komuniti serta memperkenalkan teknologi pertanian moden kepada penduduk setempat.

Program yang berlangsung selama tiga hari dua malam itu dianjurkan oleh pelajar Kursus QKK2101 Bakti Siswa (Kumpulan 101) yang terdiri daripada 23 pelajar.

Dalam kenyataan itu, wakil Pengarah UPMKB, Mohamad

Lebih 100 berkampung di Uma Bawang

Syukri Mohamad Adnan berkata, program tersebut memberi peluang kepada pelajar untuk mendalami budaya setempat dan berinteraksi dengan masyarakat luar bandar.

Selain itu, tambahnya, ia juga dapat mengasah semangat kepimpinan dan kemahiran insaniah pelajar melalui aktiviti kemasyarakatan yang dijalankan.

Pelbagai aktiviti menarik diadakan sepanjang program berlangsung termasuk lawatan ke Empangan Hidroelektrik Bakun yang dikelolakan oleh Sarawak Energy Berhad serta Fun Run yang melibatkan mahasiswa UPMKB dan komuniti Uma Bawang termasuk kanak-kanak dan keluarga angkat.

Sementara itu, demonstrasi pemasangan set akuaponik, senamrobik, sukaneka, serta sesi memasak dan membuat kuih tradisional kaum Kayan bersama ibu-ibu angkat turut diadakan.

Satu Malam Silang Budaya turut diadakan dengan persembahan Tarian Ngajat, peragaan pakaian tradisional Orang Ulu, serta pembuatan aksesori daripada manik.

Sementara itu, Ketua Kampung Uma Bawang, Ellison Duren Lihan menzahirkan rasa penghargaan terhadap inisiatif UPMKB.

"Kami amat berbesar hati menerima kehadiran pelajar UPMKB yang sudi berkongsi ilmu.

Ts. Gs. Dr. Wan Nor Zanariah Zainol @ Abdullah selaku penasihat program pula berkata, penganjuran program seumpama itu penting dalam mengasah bakat kepimpinan pelajar dan memberi pendedahan kepada mereka mengenai cabaran yang dihadapi oleh komuniti luar bandar.



SESI membuat kuih tradisional yang melibatkan mahasiswa UPMKB dan penduduk setempat. • Foto UPMKB